



INVENTAIRE

Ye 16,057

Y







Y

7/2

16057

^{p 18.}
BOUQUET
DE CAUQUOS
FLOURETOS,
CUEILLIDOS
SUL PARNASSO
BITTEROIS.

BIBL. DE FALCONET
DON.

1 7 2 3.




Y. 6203.

A BEZIERS,
Chez ETIENNE BARBUT;
Imprimeur du Roy, & de Monseigneur
l'Evêque & Seigneur de Beziers.

AVEC PERMISSION.

BOUQUET
DE CASSIS
FLOURETOS
CORILLONS
SEL PARINASSO
BITTEROIS

1723



A REVEREND
CITE FRIENNE BARRE
Impression de l'roy, et de l'college
L'edificat et seigneur de Baziers.

AVEC PERMISSION.



A MOUNSEIGNEUR
DES ALRIS DE ROUSSET ,

AVESQUE ET SEIGNOU DE BEZIES.¹



*ESPEY que ma Muso Rustico
Ta plagut ambé sa Musico ,
Pleno de fioc , & d'ambuin
Resserco may que may ta Noblo Proutectiin.*

*Couffado d'un nouvel Ouvratge ,
GRAND PRELAT , bey te rand Houmatge ,
Et per pago de sas susous ,
Demando lou thezor de tas satgôs Litfous.*

*Al lun de toum Esprit guidado ,
Per toum boun Sen amadurado ,
Sa Voix de councert an soun Luth ,
Randra malgré sas dens lou fier Critico mut.*

*Agrado doune sas Cansounetos ,
Dono d'esclat à sas Flouretos.
A l'oumbro del Noun DES ALRIS ,
Lou Patois pren lou goust del Francés de Paris.*



A MOUNSEIGNEUR
DES ALRIS DE ROUSSET,
AVESQUE ET SEIGNOU DE BEZIE'S,
Liberatou de la Vilo dins lou temps de las Lignos.

BOUTADO.

A PRES tres meses de Bataillos
En agachean lou dol de tas tristos Muraillos,
Teu crezio, GRAND PRELAT, que tout ero perdu,
Quand uno Voix me dis que tu sios lou Salve

De nostro pauvo Vilo.

An las Cledos del Poun, lou chagrin a fach gilo.
Bé pla nous fas senti dins aqueste bel jour,
Per un Poble affligeat, ce que pot toun Amour.
Toun Esprit, & toun Cor, tas Vertuts, tas Adressos
Del constat de la Cour foou plooure de Largeffos.

En nous dounan la Libertat,

Nous fas naïsse lous Bés, la Joyo, la Santat.

Qu'on es huroux dins un desastre,

D'estre gardat per un boun Pastre!

Aquos lou bounhur de Beziés.

Agrado, se te play, qu'an lous Caritadiez,

Extaziat de ta Clemenco

Te done cauque trait de ma Reconouïssenco.

Teu pregui, que lou Ciel, que nous a tant aimats,

Te counserve loung temps dins aquestes Climats.

D'un cadun aquos la Prierio,

D'un cadun tabé sios lon Pero.

Vivo! CHARLES, cadun te dis,

Vivo! lou Noble Sang d'ALRIS.



L'EFAN PROUDIGO.

Homo quidam habuit duos Filios , &c. Luc 15.



S C L A V O de toun Corps , & de la Vido
molo ,

Coun.pren pla tout lou sen d'aquesto Para-
bolo.

Dins un certain Climat , un Home cargat
d'ans

De sa noblo Moulié n'avio que dous Efans.
Lou pus jouïne bouillent , fierot , tésut , voulatge ,
Demando sans faisou sa part de l'Heritatge.
Lou Pero coumplasent per un Fil entestat ,
Las legremos à l'œel , l'y conto sa mitat.

Aquel Fol infansible à la bountat del Paire ,
Ramasso tantacan tout soun picheot affaire.
De gredo quand ajet garnit soun esquipot ,
Fort len de soun Pais s'espoûso tant que pot.
Aqui de sous Parens , las de la vigilenço ,
Enemic de la Croux . & de la Penitencço ,
Negat dins uno Mar d'Hourrou , de Courruptiu
Dissipo tout soun Bé per segui sa Passiu.

Après qu'ajet aïtal sans laguis , & sans peno
Fricassat soun dequé , paguet leü sa fredeno :
Dins lou memes sejour , ount ero tant huroux
El vey changea sous gaux an de vivos doulous ,
Ambé soun attirat la cruelo famino ,
Coumo un affroux tourren l'y tombo sur l'esquino ,
La magagno lou quicho , & plé de pessamen ,

Se sentis menassat de mourir de talen.
 Alaro dezoulat, joust la pato d'un Mestre
 Es coustrench de garda lous Porcs dins lou Campestre ;
 Es bé may : Demezit per lou fioc de la fan ,
 Trovo pas soulamen lou molle d'un Aglan.

Finalomen toucat de sa proprio misero.

Quant de Barlets, dis el, dins l'Houstal de moun ^{Pere} ~~Payre~~
 S'afadoulou de pa ! Penden qu'elanguir
 N'ay pas rés per mangea. Prenguen lou bouin partir.
 Escapen à la Mort. Anen sans pus attendre ,
 Imploura lou secours d'un Payre toujour tendre :
 Digen ly bouinomen, lou cap baissat al sol,
 Ay peccat cronto Diux, cronto vous sant Aujol.
 Lou noun de vostre Fil n'es pas per un Coupable,
 Tratats-me, se vous play, coumo un Barlet d'estable.

Aquo dich. Al pays lou nouvel Peniten
 S'entorno fort grellat pus vite que lou Ven.
 Lou Paire, que fazio neit & jour fantinello,
 De len counouis son Fil, d'un soul cop de prunello.
 L'y courris al davan, lou lavo de sous plous,
 Estacat à soun col l'y fa milo poutous.
 Lou Proudigo respoun, lous dous ginouls en terro,
 Al Ciel, moun Pero, à Vous ay declarat la guerro ;
 Un Ingrat, un Bandit, un Efan Vagabouin,
 N'a jamay meritat de pourta vostre Noun.

Lou Paire, dount lou cor s'espandis de tendressa,
 Dis à sas Gens d'un toun & d'un airt d'alegressa,
 Tout aro pourtas-me Raubo, Souliez, Anel,
 Baillas à moun Fillet ce qu'aven de pus bel.
 De toutes lous Vedels, que sou de bouino rassa,
 Cauzissés lou pus gras, que siague dins la jassa ;
 Sannas-lou. Coumencen de saymena lous gaux ;
 Que tout ane : Festins, Councerts, Dansos, & Sauts,
 Vezes pas que moun Fil couvert de pourrituro
 Ven de sali del Clot : Helas ! quanio avanturo !
 Lou paure ero perdit, bey l'aven recouvrat,
 Traten-nous à grands plats. L'ordre es executat.

C'apendan soun Ainat surprés d'aquelo Festo,

En arrivan del Camp , a de martels en testo ,
 Quand de prés el auzis al naut de la Maisou
 De Dansos & de Cants , dount sap pas la rasou.
 Del bruch embalauzit appello un Doumestico ,
 An lou qual s'enquivet de tout ce que lou pico.
 Siagues pas estounat , l'y diguet lou Laquay ,
 Lou retour del Caddet rand tout le mounde gay.
 vostre Pero lassat d'uno trop loungo absenço ,
 Nous païs d'un Vedel gras , charmat de sa presenço :
 El fero figurat de l'aveire perdu ,
 Dins un tens qu'en fantat soun Efan es vengut.

Tout aquo de l'Ainat aluco fort la bilo ,
 De despiech es tentat , sans maüda , de sa gilo.
 Lou Pero lou counjuro , en salen del Loutgis.
 Lou Fil caravirat l'y respoun , & l'y dis :
 Helas ! despey tant d'ans aientat de tout vici
 A vostre ordre soumés , sans escart , vous servici ,
 Sans que m'ajés jamay presentat un Cabrit
 Per couvida d'Amics plés de cor & d'esprit ,
 Penden que regalas d'un Vedel qu'es tout graisso
 Un jouine Libertin , qu'a tarit vostro caisso.
 ? Moun Fil , l'y dis l'Aujol , an yeou vous sés toujourn ,
 Ambé toutes mous bés . vous avés mon amour.
 Counvenés qu'un repais n'es pas trop per un Efero :
 Que brizat de doulou remauzo ma coulero.
 Lou Marrit entarrat dins l'oumbro de la Mort ,
 En vido , mais trop tard , ven aicy prene port.

Tu qu'aimos de croupi dins lou libertinatge ,
 Reven de tas fouliés , Proudigo , fay-te fatge.
 Diux t'atten , & soun bras estendu sur la Croux
 Semblo toujourn cerca lous pus viels Peccadous.





LOU MAUVAIS RITCHE.

Homo quidam erat dives , &c. Luc 16.

J O U S T la Capo del Ciel un certain Persounatge
 Avio de sacs plés d'Or , grand Trin , bel Equipatge ;
 De Linge lou pus fi , d'Escarlato vestit ;
 Las rigous de l'Hyver n'avio jamay sentit.
 Lou Gourman cado jour amoureux de soun Ventre
 Fazio dins lous Festins de la taulo soun centre.

A sa porto tabé lou Lazaro perdu
 Gemissio sans un sooü , sul pavat estendut :
 Claufit de pessamens , accablat de miseros ,
 Se vezio tout couvert de Plagos , & Dulceros :
 Lou paure dins l'excez de soun crüel tourmen
 Demando quicoumet per mettre joust la den ;
 De miquetos de Pa que tombou de la taulo :
 Mais degus noun l'y dis uno bouno paraulo.
 Toucats de soun malhûr lous souns Chis de l'Houstal ,
 En lecan lou Malaur adoucissou soun mal.

Finalomén cargat d'un Threzor d'Innocenso ,
 Lazaro per la mort termino sa souffrenso ;
 Pourtat per lous Courriez de la celesto Cour
 Dins lou sé d'Abraham va faire soun sejour :
 Espatat molomén dins un Leit de parado ,
 Lou Ritche de sous jours acabo la fuzado :
 Soun Amo tantacan pus duro que lou roc
 Noun trovo per Toumbeü , qu'un Enfer plé de fioc.

Pressat per la calou d'uno peno éternello ,
 Lou Malhûroux trop tard espandis la prunello :
 El agacheo de lén dins lou sé d'Abraham ,
 L'Azaro distinguat prés de l'Aujol Adam.
 Mandas per compassiu , cridet , & crido incaro ,
 Abraham , mandas-me lou Benhuroux Lazaro ,

Aff qu'après avé baignat lou bout del det ,
 El calme , se se pot , las ardous de ma set :
 Car helas ! engloutit dins uno Mar brouzento ,
 Tout me coy , me mourdis , me blaffo me tourmento ?

Abraham l'y respoun , m'oun Fil , souvenés-vous ,
 Que penden que vivias , s'és estat trop huroax .
 Lazaro dins lou cours de soun Pelerinatge ,
 Es estat neit & jour baloutat per l'Ouratge .
 El es aro content arrivat à boun port ;
 Las douloùs ooü seguit vostro funesto Mort .

Es be may ! Dins un mout . Un gouffre sans limite
 Separo lous Mechants d'ambé las Gens dérito .
 Vautres nouh poudés pas fourça lou Paradis ,
 Ni nautres penetra lou pus horré Pais .
 L'Avaro repliquet . Envouyas dounc peccaire !
 Envouyas lou Lazaro à l'Houstal de moun Paire ,
 Instruifés de moun sort mous Frerós , mous Parens ,
 De pooü que dins l'Enfer n'assugou mous tourmens .

Freros , Paire Parens ooü toutes à sa guizo ,
 Dis dabort Abraham , Prouphetos , & Mouïzo ,
 Attentifs à leur voix , que prengou las lifsous
 Se volou s'espargna d'éternellos susous .
 Nani , Pero Abraham , respounguet lou Coupable ;
 Mais se vous permettés , vous que s'es tant affable ,
 Que l'Oumbro d'un soul Mort se presente à leur oel ,
 Lou veirés Penitens changea vite de pel .

Abraham lou suddet dins soun premié lengatge ;
 Mais se n'escoutou pas Mouïzo qu'es tant fatge ,
 Quand mêmes d'un viel clot veirioü sali lous Morts ,
 Serioü pas dins la Fé ni pus viux , ni pus forts .

Embescat per lous Bés , livrat à l'Avarisso ,
 Cren d'un Diux irritat la severo Justisso .
 Se des Paures tu fies lou Tyran & lou Fleü ,
 Dins pauc , privat de tout , as l'Enfer per Toumbeü .



EPITRO

D'UN SOULITARI,
à un viel Peccadou, dins lou tens
de la darnieiro Pesto de Marseillo,
l'an 1721.

TU que despey loung-tens egarat dins lou Vici
Marcheos tranquillomén al bord del Precipici:
Tu que sans t'allarma de toun malhuroux sort,
Agacheos d'un san-frech & l'Enfer & la Mort:
Tu que de la Vertut descriidan la pratico,
Dins la Terro des Sants vives en Fanatico,
Peccadou, talounat per lous Fleüs éternels,
Al l'un de tant d'iglaux d'ouvrís vite lous œls.
Endourmit dins lou fé d'uno langou funesto,
Reveïllo-te, moun Fil, al soul bruch de la Pesto:
Tramblo, fremis d'hourrou, deja lou fioc del Mal
N'approcheo que trop prés de nostre Termenal.
Aquel affroux touren, qu'es salit de Marseillo,
Menasso lou qu'a son, tout coumo lou que veïllo.
Lou Mutin, qu'a changeat en Toumbeüx aquel Loc,
Beleoü prendra soun cours dins lou bas Languedoc.
L'Angeo Exterminatou, que per ordre lou meno,
De l'arresta quand vol, ount l'y play, n'a pas peno.
Helas! vezi de len, accablat de doulous,
Lous Habitans negats dins uno Mar de plous.
De Mars vezi deja las noumbroufos Brigados
Loung de l'Orb * englauzit faire de Barricados.
Déja vezi tanca las portos des Houstals;
A mous œls milo Gens foou lous darniés badals;

* Rivieiro que passe à Bezjès.

La Mort sans gés d'égard an lou tal de sa daillo
 Trouffo Paures & Grands estendus sus la paillo.

As camps, dins lous houffals, lous soupirs & lous crits
 Randou lous pus vaillens flacs, paurucs interdits.
 Menados per lous Gorbs caquos vieillos Carreros
 Trigouffou dins lou Clot Aujols, Efans, Filletos.
 Lous Cadavres pudents amoulounats al sol,
 Empouiffounou lous Viux, portou per tout lou dol:
 Se parlo pus de gauch; tout es dins lou fileço;
 Tout me fa souveni del grand jour de vengenco.
 La Vilo es un Dezert, tout es deja plegat;
 L'herbo nais, creis per tout, coumo fa dins un Prat.

Aqui t'ay, Peccadou, trassat d'après naturo,
 D'un País Infectat la lugubro pinturo.
 Animat per lous traits d'aquel horre Tableü,
 Brizo tous viels lians, sal vite del Toumbeü.
 Tardes pas un moumen, agis en Homme fatge,
 Coumo un autre Nouïé, de lén preven l'Ouratge;
 Travaillo neit & jour à fourma lou Vaiffel
 Que te deü prezerva d'un Delutge éternel.

Avan que d'assuga lou fort de la Tempesto,
 Prouffito en boun Patrou del bel temps que te resto:
 Repasso ambé doulou lous ans mal emplegats,
 Intro dins lou detal de toutes tous peccats:
 Examino lou temps, lous endrechs, las Coumpagnos;
 Passejeo lous Jardins, las Vilos, las Campagnos:
 Pezo, sans te flata, cado pas, cado actiu;
 Detesto lous escarts, qu'as fach dins ta passiu:
 Jutge-te, pey que sios un Ingrat, un Coupable;
 Cronto-tu rand l'Arrest d'un Jutge inexourable.

Instruit de toun Proucez, counvaincut de tonn Mal,
 Courris an toun paquet al Sacrat Tribunal:
 Cerco un fatge Nathan, cauzis un sçavant Guido;
 Espandis-l'y toun cor, desplego-l'y ta vido:
 Auméns laiffes pas res, pren gardo d'estre mut;
 Per hounto cauquo fés, l'on risco soun Salut.

Descargat d'un fardel, libre de tas cadenos,
 Punis-te, coumo cal, de toutes tas fredenos:

Coumenço per lous plous de redima lou tens ;
 Coumbat joust lou Gidou des Christias Penitens ;
 Fay d'Obros de Vertut , reparo l'Escandalo
 Des Ennemics de Diux evito la Cabalo ;
 Seguis lou boun partit ; plé d'uno vivo Fé,
 Respecto d'aquel Diux la venerable Lé.

Lou Mounde n'es que fun , el n'es qu'uno figuro ;
 Crey-me , veni gousta la Paix de la Cloturo ;
 Aqui toutes foulers à l'oumbro de la Croux ,
 Nous mettren à l'abric del Celeste courroux.



E P I T R O

DE JEAN A ALEXIS.

Las incoumonditats de la Vieillesse.

HELAS ! say sen pas per boun briu ,
 Alexis , se cal dire adiu.
 Lou temps s'espouffo , las Annados ,
 Coumo lous Recs dins nostros Prados ,
 Couloü la neit , amay lou jour.
 Noun faren pas un loung séjour
 Dins aqueste loc de plafenço.
 Lou merite , ni l'opulenco
 N'arrestou pas la fiero Mort.

Lou Ven nous pouffo vers lou Port ,
 Quant l'horre Charoun dins sa Barco ,
 Per l'ordre fatal de la Parco ,
 Passo Jouines & Viels maratats
 Al Rouyaume des Trespasats.
 Aïtal dins pauc , permy las Oumbros ,
 Veiren de terros toujours soumbros ,
 Sans uno maillo , sans perpouñ
 Faren gilo sus l'Acheroun.

Yeu lou premié , seloun l'usage ,
 Faray lou penible vouyatge ,
 Tout me precheo , tout m'avertis
 Qu'aicy cal pas basti soun niz.
 Un moulou d'ans dessus l'esquino ,
 Assuco ma feblo machino ;
 Mous pelses pus blancs que la neü ,
 M'anouçou la neit del Toumbeü.
 Me semblo que dins mas aureillos
 Ses fourmat un issan d'Abeillos ,
 Et sans l'ajudo d'un cournet ,
 Auzirio coumo uno paret .

Moun cel changeat en Fountaineto ,
 Se foun cada jour en aigueto .
 La fluxiu , que mino mas dens ,
 Fa que ne conti nooü de mens .
 Deurias à dire qu'un Lauraire
 Sus moun froun a passat l'araire ;
 Lous osses me traucou la pel ,
 Podi pla servi de Cymbel .
 Moun cap baiffat joust sa fourruro ,
 Cerco del clot la pourrituro .
 Mas cambos flacos coum'un jounc
 Ooü fach de moun Corps un viel trounc .

Lou gibre , que sal de mas venos ,
 Redoublo lou fluz de mas penos .
 Gouto , Raumas , Asme , Doulous
 Ooü passit mas vivos coulous .
 N'y vezi pus qu'an de lunetos ,
 Noun me paissi que de sournetos .
 Fooü moun séjour dins un cantou ,
 Quitti pas l'houstal sans bastou .
 Tout me fougis , tout m'abandouno ,
 Noun soy pus al grat de persouno .

Moun esprit sans fioc , & sans lun
 S'atudo negat dins lou fun .
 Engrepezit dins la peresso
 N'ay ges de galbi , ny d'adresso .

Bachus es soul moun dous soulas ,
 De la raco fooü matalas :
 Lou divin Nectar de la Treillo
 Ten hidroupico ma bouteillo :
 Sans aquel Lach un boun Aujol
 Aurio trop léu touffit lou col.
 An lou Vinet lous premiés Paires
 Se tiravou toujours d'affaires.

Aquos prou : Nous cal dounc souven
 Medita lou crüel moumen ,
 Que copo lou fial de la Vido.
 Cauziguen la Vertut per guido :
 Passiux à part ; nets de tout Mal ,
 Prevenguen lou darnié badal :
 Cañ autromén dins lous Supplicis
 En punitiu de nostres Vicis ,
 Encadenats dins de Croutous ,
 Gemiren an lous Malfactous ,
 Penden que las amos délito ,
 Lén de la Rivo del Couçito ,
 En paz dins un loc encantat ,
 Viuroü touto l'Eternitat.





LOU RETOUR DEL PRINTENS.

A PRE's avé prou fach d'esperros,
L'Hyver lou fleü de nostros Terros,
Finalomen va Prene port
Al pus affroux Cantou del Nord.

Las Neblos, lou Gibre, la Glaço;
Lous Gorbs, las Graulos, & lour Raço,
En s'espouffan ambé soun dol,
Seguïssou lou fun de l'Aujol.

La Mountagno que nous doumino,
Libro de neü dessus l'esquino,
En baignan lous aubrets de plous,
Se vestis de fossò coulous.

Lou doux Zephir, an soun haleno,
A la Terro d'oubris la veno.
Tout renais: De soun fé daurat
Sal la Touzelo, sal lou blat.

Cerés maire toujours secoundo
Proumet al Pagés de la roundo,
De faire valé sa susou,
Quand Segos serooü de sasou.

Dins lous Pradets l'aimablo Floro,
An las legremos de l'Auroro,
Azago Viuletos, Muguets,
Per ne fa de poulits Bouquets.

Pan beeü de gauch amb'uno tuco,
De veire naïsse la parruco
Sul cap des Pivouls, des Oumats,
Que lou frech avio despouillats.

Lous Auzelets, joust un oumbratge,
En brezillan, dins jour lengatge,

Saludou la neit & lou jour
Lou gay Printens qu'es de retour.

Al premié soun de la Muzeto,
Lous Aïgnelets dessus l'herbeto,
En trepejan fooü milo fauts,
Se capignon, s'ay fooü lous baus.

La bravo Colo * des Poudaires,
Lén des laguis, & des affaires,
Fa dins las Vignos de paissels,
Et de las bizes de gabels.

Des Mariniez la troupo lesto
Se truffo béy de la Tempesto,
Et sans attendre-lou Lugar,
Lauro la Plano de la Mar.

Mars alando sous viejs armaris;
Pallas engino de Suzaris;
Tambours, Troumpetos, Carriots,
Animou lous Souldats as cops.

Nautres joust l'oumbro d'uno Treillo,
Amics, attaquen la Bouteillo,
Sans avé pooü de nous fa mal,
Batten-nous ambé lou Pegal.

* *Troupo de Travalladous de Terro.*



REQUESTO
DEL DIUX PAN,
PRESENTADO
A PEPPEZUC,*

DINS LOU TEMPS QUE COUPEROU
lous Aubres dins l'Illo & loung de l'Orb.

A Gradas, PEPPEZUC, que Pan an sa Brigado,
Aprés vous avé fach une grande coulado,

Lou visatge negat de plous,

Vous fague part de sas doulous,

Et que vous demande vengenco

D'un attentat que nous ouffenco:

Jutgeas vous mêmes s'aven tort,

De nous planje de nostre sort.

Loung de l'Orb, un espés Bouscatge,

En tapissan tout lou Rivatge,

Deffendio las Vignos, lous Camps

Des Aiguats, que toutes lous ans,

Arrestou lou cours de la Molto,

Et troffou souvén la Recolto.

Lous Aubres, dont lou cap ero vezi d'el Cel;

Paisioü d'un doux plase la prunelo de l'œil;

L'esclat espartit sus la cimo,

As Efans d'Appollon fasio naïsse la Rimo.

Aqui toujours sus Ramelets,

Senils, & Gays, Rouffiniollets,

Merles, Cardinos, Alauzetos,

Instruisioü lous Echos de milo Cansounetos.

* Deffensou de Bezjés. Lous Habitans y dresserou uno Stac
tho, qu'en vey intaro al bant de la Carriero Francesa.



Dins aquel Bosc charmant , amoureux de Beziés
 Coumo lou autres Diux , Pan venguet des premiés,
 Aqui joust un viel Roc , ambé touto ma Clico ,
 Me plasio de rasta lou pouls à la Barrico :
 Aqui despey lounq-temps , las Nymphos d'alentour
 Quittavou sous Regals , per me faire la cour :
 Aqui lén del trigos , lén del fioc de las Armos
 Vezio coula mous jours , sans ramboul , sans alarmos,


Tout d'un cop arrucat sus un fais de Pavots ,
 Me reveilli suddat per lou bruc des esclops.
 Voli sul naut del Roc : lous deliçis de Floro ,
 A la favou del lun , que me fasio l'Auroro ,
 Destouvristi dabort uno Armado de gens ,
 Que dounavo l'Assaut à mous Retranchemens.
 Alaro d'un toum rauc , la Colo me menasso ,
 L'un à mous Courtisans presento la Digasso ,
 L'autre , sans compassiù , ven lour toussi lou col :
 Lous uns d'un tour de bras lous estendou pel sol ;
 Lous autres affairats ouchou déjà la resso ;
 La pooü finalomén me sezis , & me presso.
 Al secours ! Cridi bé : mais mous Faunes paurus
 S'espouffou tantacan , & se cresou perduts.


Aprés elses rabé coumençi de fa gilo ,
 Et gagni vitomén lou poutal de la Vilo.
 Helas ! pus soubre qu'un Cyprez ,
 Me soy vengut jetta miech mort à vostres pez ,
 Per imploura vostro Clemenço.


Beziés per vous , Beziés a fossó coumplazengo.
 A vostro counsideratiù ,
 Lous Cossouls vigilens calmarooü l'émoutiù.


Planiés-vous , coumo cal , de la crüelo Raço ,
 Que m'a cassat béy de ma Plaço ,
 Empacheas auméns , se vous play ,
 Que cronto yeu soulet , noun s'atisse pas may.
 Fafez , Grand PEPPEZUC , que ma justo Requesto
 Sauve del Bosc lou triste resto.


Saquos es : de ségu , noun seren pas ingrats ,
 Mous Satyros an yeu , Mountarooü Caritats.











林氏家譜

